

c
4. En caso de finalización ou resolución do compromiso sen ter adquirida a nacionalidade española, o estranxeiro quedará sometido ó réxime xeral de dereitos e obrigas aplicable ós estranxeiros, sen que lle sexa de aplicación o disposto no artigo 169 da Lei de réxime do persoal das Forzas Armadas.

Artigo 18. *Tempo de servicio.*

1. O tempo prestado como militar profesional de tropa e mariñeiría estranxeiro, en caso de adquisición da nacionalidade española e continuación nas Forzas Armadas, será computable para tódolos efectos.

2. Nas convocatorias de ingreso e promoción nas Forzas Armadas valorarase como mérito o tempo prestado polos estranxeiros como militares profesionais de tropa e mariñeiría.

CAPÍTULO V

Adquisición da nacionalidade española

Artigo 19. *Certificacións acreditativas.*

1. O militar profesional de tropa e mariñeiría estranxeiro que se propoña adquirirla nacionalidade española poderá solicitar do xefe da súa unidade a expedición dunha certificación acreditativa de cantos extremos lle constaren acerca dos feitos e circunstancias previstos nos expedientes de nacionalidade regulados na normativa do rexistro civil e, en particular, os relativos:

- Á identidade e estado civil.
- Ó tempo de servicio prestado nas Forzas Armadas, con indicación do lugar da súa residencia durante o devandito período e, se é o caso, o tempo de servicio que lle queda de compromiso.
- Á conducta observada durante a súa permanencia nas Forzas Armadas, con especial mención ó seu grao de adaptación á cultura e estilo de vida españois e á institución militar en particular.

2. Igual certificación poderá solicita-lo militar profesional de tropa e mariñeiría estranxeiro á finalización ou resolución do seu compromiso, a cal conterá ademais mención expresa ó motivo desta última.

Artigo 20. *Expedientes de nacionalidade.*

As certificacións expedidas conforme o artigo anterior poderán producir plenos efectos acreditativos nos expedientes de nacionalidade regulados na normativa do rexistro civil, sen prexuízo dos informes que, en todo caso, deban solicitarse conforme o disposto na dita normativa.

Disposición adicional única. *Distribución de efectivos.*

As prazas que se oferten ata alcanza-la cota máxima de estranxeiros prevista no artigo 3 do regulamento distribuiranse, por proposta dos xefes dos estados maiores do Exército de Terra, da Armada e do Exército do Aire, nos anos 2003, 2004 e 2005, detraendo aquelas que fosen cubertas na convocatoria única do ano 2002.

ANEXO I

Países de nacionalidade dos estranxeiros

- Arxentina.
- Bolivia.
- Costa Rica.
- Colombia.

- Cuba.
- Chile.
- Ecuador.
- O Salvador.
- Guinea Ecuatorial.
- Guatemala.
- Honduras.
- México.
- Nicaragua.
- Panamá.
- Paraguai.
- Perú.
- República Dominicana.
- Uruguai.
- Venezuela.

ANEXO II

Especialidades ás que poden acceder estranxeiros

- Exército de Terra:
 - Infantería lixeira.
 - Enxeñeiros.
 - Artilería de campaña.
- Armada:

Infantería de Mariña.
- Exército do Aire:

Seguridade e defensa.

ANEXO III

Unidades ás que poden acceder estranxeiros

- Exército de Terra:
 - Brigada de Infantería Lixeira «Rey Alfonso XIII», II da Lexión.
 - Brigada de Infantería Lixeira Paracaidista «Almogávares VI».
- Armada:

Tercio Armada.
- Exército do Aire:

Escuadrón de Zapadores Paracaidistas.

MINISTERIO DE FOMENTO

23339 *CORRECCIÓN de erros e errata do Real decreto 642/2002, do 5 de xullo, polo que se aproba a «Instrucción para o proxecto e a execución de forxados unidireccionais de formigón estrutural realizados con elementos prefabricados (EFHE)».* («BOE» 287, do 30-11-2002.)

Advertidos erros e errata no Real decreto 642/2002, do 5 de xullo, polo que se aproba a «Instrucción para o proxecto e a execución de forxados unidireccionais de formigón estrutural realizados con elementos prefabricados (EFHE)», publicado no «Boletín Oficial del Esta-

do», suplemento número 9 en lingua galega, do 2 de setembro de 2002, procédese a efectua-las oportunas rectificacións:

Na páxina 1075, a figura 8, onde di: «<f_{ct,k}>» e «<0,6.f_{ck}>», debe dicir: «<f_{ct,j}>» e «<0,6.f_{cj}>», respectivamente.

Na páxina 1078, no número 13.3, terceiro parágrafo, onde di: «... recubrimento mínimo da táboa 13.3 serán incrementados...», debe dicir: «... recubrimento mínimo serán incrementados...».

Na páxina 1085, no número 15.2.2, primeiro parágrafo, onde di: «... 7m²...» e «... 12m²...», debe dicir: «... 7m...» e «... 12m...», respectivamente.

Na páxina 1086, no pé da táboa 15.2.2, onde di: «... combinación infrecuente...», debe dicir: «... combinación pouco frecuente...».

Na páxina 1089, na figura, onde di: «Figura 17.a...», debe dicir: «Figura 17...».

Na páxina 1104, no número 1.2, onde di: «... nos números 6.3.5 e 6.3.7», debe dicir: «... nos números 14.6.1 e 14.6.2».

Na páxina 1105, na figura A.3.1, onde di: «bordo de carga» e «centro de carga», debe dicir: «carga de bordo» e «carga de centro», respectivamente.

Na páxina 1110, no anexo 4, derradeiro parágrafo, onde di: «... no número 14.2.2 a)...» e «... segundo 14.2.2 b)...», debe dicir: «... no número 14.2.2.1 a)...» e «... segundo 14.2.2.1 b)...», respectivamente.

MINISTERIO DE AGRICULTURA, PESCA E ALIMENTACIÓN

23340 REAL DECRETO 1201/2002, do 20 de novembro, polo que se regula a produción integrada de produtos agrícolas. («BOE» 287, do 30-11-2002.)

A obtención polos agricultores de produtos agrícolas de calidade e saudables para o consumidor, mediante o emprego de prácticas de cultivo que respecten o ambiente, debe ser un obxectivo prioritario da agricultura moderna.

A utilización de métodos que, tendo en conta as esixencias da sociedade, a rendibilidade do cultivo e a protección do ambiente, diminúan o uso de produtos químicos e permitan obter producións agrícolas de alta calidade, é unha esixencia na modernización da agricultura. Estes obxectivos poden alcanzarse mediante as técnicas de manexo integrado.

O Ministerio de Agricultura, Pesca e Alimentación, mediante as ordes do 26 de xullo de 1983 e do 17 de novembro de 1989, e as diferentes comunidades autónomas promoveron a aplicación de técnicas de cultivo que se aproximan á loita integrada mediante a creación de agrupacións para tratamentos integrados en agricultura e outros tipos de agrupacións de agricultores. A loita contra pragas nestas agrupacións ó empregar prioritariamente métodos respectuosos co ambiente, reducindo o uso de produtos químicos, permitiu adquirirla experiencia necesaria e establece-las bases para a elaboración das normas de produción que se prevén neste real decreto.

As producións agrícolas obtidas con estas técnicas aliñanse cos principios xerais da produción integrada, xa que a súa aplicación implica un maior respecto ó equilibrio dos ecosistemas, reduce contaminacións inne-

cesarias no aire, na auga e no solo, e permite que os produtos agrícolas teñan a menor cantidade posible de residuos químicos indeseables.

Por conseguinte, existe a necesidade de diferenciar os produtos agrícolas obtidos mediante sistemas de produción integrada, de garanti-las súas características e de informalo consumidor sobre elas, debido ó seu valor engadido nos mercados, o que aconsella regula-lo uso dos distintivos —etiquetas ou marcas de garantía— nos produtos así obtidos.

Así mesmo, cómpre regula-lo emprego de identificacións de garantía nos produtos agrícolas transformados obtidos baixo condicións de produción integrada, cumprindo para iso determinados requisitos.

Nesta norma, sen prexuízo doutras disposicións que se é o caso regulen a produción, elaboración, comercialización, etiquetaxe e control dos produtos vexetais, establécense os requisitos xerais que deben cumprilos operadores que queiran acollerse a este tipo de produción e facer uso do distintivo de garantía, e as regras xerais válidas para as explotacións agrícolas correspondentes.

Neste real decreto régulase especificamente a identificación de garantía nacional de produción integrada, sen prexuízo das identificacións de garantía que poidan establecer as comunidades autónomas ou as entidades privadas.

Nestas condicións xerais tivéronse en conta os principios e directrices técnicas da Organización Internacional de Loita Biolóxica.

Para o establecemento e desenvolvemento deste tipo de producións recoñécense as agrupacións de produción integrada en agricultura como instrumento para o impulso da produción integrada.

En consecuencia, é necesario crea-las bases para regula-la produción integrada e a diferenciación dos seus produtos no ámbito nacional ó abeiro do disposto no artigo 149.1.13.^a da Constitución, que lle atribúe ó Estado a competencia en materia de bases e coordinación da planificación xeral da actividade económica; así como regula-la identificación de garantía nacional de produción integrada.

Na elaboración desta disposición foron consultadas as comunidades autónomas e os sectores afectados.

Esta disposición foi sometida ó procedemento de información en materia de normas e regulamentacións técnicas e de regulamentos relativos ós servizos da sociedade da información, previsto na Directiva 98/34/CE, do Parlamento Europeo e do Consello, do 22 de xuño, modificada pola Directiva 98/48/CE, así como no Real decreto 1337/1999, do 31 de xullo, que incorpora estas directivas ó ordenamento xurídico español.

Na súa virtude, por proposta do ministro de Agricultura, Pesca e Alimentación, coa aprobación do ministro de Administracións Públicas e logo de deliberación do Consello de Ministros na súa reunión do día 15 de novembro de 2002,

DISPONGO:

CAPÍTULO I

Disposicións xerais

Artigo 1. *Obxecto e ámbito de aplicación.*

1. Este real decreto ten por obxecto:

a) O establecemento das normas de produción e requisitos xerais que deben cumprilos operadores que se acollan ós sistemas de produción integrada.